

Injil untuak anak-anak hadiah

Yesus mambari
makan 5000 urang



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Ruth Klassen

Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



Pamimpin-pamimpin agamo (disabuik urang-urang Farisi) bakato duto tantang Yesus. Malahan babarapo diantaro urang-urang itu mancubo untuak mambunuah Yesus.



Urang-urang itu indak picayo kalau Baliau sungguah-
sungguah Anak Allah. Mereka indak manarimo Baliau
walaupun Baliau mangarajoan
banyak mujizat yang
mambuktian
kalau
Baliau



adalah
Anak
Allah.



Suatu hari, Yesus manyubarangi Danau Galilea. Mungkin inyo paralu istirahat sabanta dari banyak urang yang selalu bakumpua mangaliliangiNyo. Tapi


urang banyak itu dengan capek manamuan Baliau. Urang-urang itu tau kalau Yesus mangarajoan mujizat-mujizat gadang. Meraka ingin barado basamo jo Baliau.




Yesus mamimpin murik-murikNyo untuak naiak
ka ateh gunuang dan duduak disitu dima Baliau
duduak untuak maaja. Banyak dan labiah
banyak lai urang yang datang. Waktu
makan malam alah tibo.
Satiok urang pastilah
maraso litak.



Yesus mancaliak kumpulan urang banyak itu. "Dima awak akan mambali roti, supayo urang-urang ko mandapek makan?" Baliau batanyo ka Filipus. Di sekitar itu indak ado tampek untuak mambali makanan. Rencana apo yang ka dikarajoan Yesus?




"Pastilah mamaraluan pitih banyak untuak maagiah makan sado urang ko," jawek Filipus ka Yesus. Yesus dan murik-murikNyo indak mampunyi cukuik pitih.




Murik yang lain, Andreas
(Saudara Simon Petrus)
bakato ka Yesus. "Disiko
ado surang anak. Yang
mampunyo limo roti jalai
dan duo ikan."




"Tapi apolah artinyo itu untuak urang sabanyak iko?"
Andreas indak tau baa makan siang si anak ketek itu
bisa cukuik untuak mambari makan urang sabanyak
itu - walaupun si anak laki-laki itu ingin mambarian
makan siangnyo ka Yesus.



Yesus manjawabek, "Suruahlah urang-urang itu duduak," Jadi, urang banyak itu duduak, bakalompok-kalompok sekitar limo ribu urang. **WOW! LIMO RIBU URANG!** Itu indak tamasuak padusi dan anak-anak yang bagabuang disitu.



Sasudah itu, yesus maambiak roti jalai dan ikan itu. Anak laki-laki ketek itu pastilah picayo ka Yesus. Inyo indak tau manga Yesus paralu makan siangnyo, atau apo yang ka dikarajoan Yesus jo makan siangnyo itu. Mungkin inyo bapikia, "kalau aku maagiahan bekal makan siangku, aku indak bisa makan," Tapi inyo mambarian juo ka Yesus.




Sasudah itu, Yesus
badoa. Baliau
mangucap syukur ka
Tuhan. Untuak limo
roti jalai jo dua
ikan? Yah! Yesus
"Mengucap syukur"
ka Tuhan dan
mamohon Tuhan
memberkati
makanan itu.



Sasudah badoa, Yesus
mambarian roti itu ka
murik-murikNyo untuak
dibagian ka urang banyak
itu. Itulah waktu
urang-urang itu
mancaliak mujizat yang
dikarajoan Yesus.
Masiang-masiang urang
makan sabanyak yang
mereka inginan. Kini roti
jalai jo ikan-ikan
itu baguno.



Sasudah sado urang makan, masih banyak roti jo ikan yang tasiso. "Kumpuaan potongan-potongan yang labiah supayo indak ado yang tabuang," Yesus bakato ka murik-murikNyo. Urang-urang itu maisi duo baleh karanjang jo potongan-potongan dari kalimo roti jalai yang balabiah sasudah urang itu makan.



Pado hari itu, Yesus mambari makan
5000 urang jo bekal makan siang surang
anak laki-laki ketek. Di waktu lain.
Baliau mambari makan 4000 urang jo
tujuh roti jalai dan saketek ikan.



Katiko urang-urang biaso mancaliak tando-tando itu, Urang-urang itu indak berang bantuak urang-urang farisi. malah urang-urang bakato, "Baliau adolah sungguah-sungguah nabi yang datang ka dalam dunia."



Yesus mambari makan 5000 urang
Sabuah carito dari firman tuhan, Injil

Didapekan di

Yohanes 6

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso ialah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko ialah sabuah kebenaran, kecekan iko kapado Tuhan: Ya Yesus, Ambo picayo bahwo Engkau ialah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalam iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

